

續修四庫全書



《續修四庫全書》編纂委員會編

續修四庫全書

上海古籍出版社

一三二八・集部・別集類

芳洲文集續編六卷〔明〕陳循撰

誠齋錄四卷 誠齋新錄一卷 誠齋牡丹百詠一卷 誠齋梅花百詠一卷 誠齋玉堂春百詠一卷

〔明〕朱有燉撰

殿閣芳洲陳先生續集序

承燦蓋守吉矣吉故老述芳洲先生之遺事甚悉且得誦其遺集亦甚詳而因嘆魏公忠臣與良臣之說也夫忠良寧有兩哉其境變而能矢一心者豈其境常而懷二念者乎蓋康莊之雅步與九折之崎嶇途則異而非遵途者之有異也余觀芳洲先生柄政之時當

萬乘北狩

九廟震驚群情惟擾此其時為屯屯則有經綸之義才可竭猷可展而心亦可以明白顯著於天下及南內之扃塵封

東宮之席再撤此其時為睽睽則即欲遇主于巷而睽孤之地兆端見矣茹荼而忍痛公豈能以喻諸人哉至於

翠幄朝臨

芳洲文集續編

〔明〕陳循撰

據南京圖書館藏明萬曆四十六年陳以躍刻本影印原書版
框高一九三毫米寬二八四毫米

青宮夕啟宇宙重開萬方胥悅
此其時為革革則公雖抱
有孚之誠而水火相息其
如徐石何惟有東行以謝
修郅者而已夫輔不已而
帝者勢也帝則操衆以成
獨而復操獨以制衆主勢
尊於上而主術行於下即
三事大臣其能以相抗而
成兩持者乎猶之舟然托
於水駛于風而挽回旋轉
于櫓纜柁楫之用故責舟

師之出沒於波濤而操縱
于遲速長年三老之所能
也若身寄於舟而禁其不
與舟而俱移雖至巧不能
彼持局外之論者不過曰
曷不為李文靖之引燭焚
詔耳不知公當代言之時
如所謂奉
皇后于仁壽以俟
大兄鑾輿之復進
皇太子母為貴妃示重天下之
本則公之遠識先機其捧

日之心寧待虞淵之夜耀
而補天之手豈煩煉石而
後圖哉且大臣之體批龍
領而撓鱗易履虎尾而不
咥難遊羿彀而捐一身易
處危機而全上下難然則

公固獨為其難者而終不
能以所難之故自剖其心
則直委於所遇之不幸矣
雖然博陸侯之忠于漢宣
者猶之漢昭也乃一以大
將軍為忠臣而一以為芒


刺之在背博陸之忠貞無
改而後先之時勢自移古
今一體曷足怪哉承燦嘗
恭讀

純皇帝之諭公也哀其死而憫
其忠式遵

先志厄于前而伸于後永愜人
心大哉

王言公固與蘇文忠所謂先帝
已知其枉朕心尤鑒其忠
者今古同符矣直道在人
清時尤甚寧有忠徹于

主知而猶湮沒于昭代者乎當
必有繼于忠肅而為公請
者余且藉此以徵世焉
山陰後學祁承燦頓首書



陳芳洲先生文集續編序

英廟當已巳秋親帥六師撻伐

獫狁權璫不戒遂至蒙塵

賴二三元老內固

國本外振國威虜擁

乘輿入犯至再數被創去乃乞

和送

天子還迎歸南宮踰六載復踐

帝祚佑啓

列聖永綏太平此曠古未有之

盛也維時秉鈞軸贊

密勿為芳洲陳公初聞警即草

太后詔立

憲廟爲皇太子以郕王輔之進

于謙領本兵拔羅通守居

庸留石亨楊洪理京營引

商輅彭時入閣共事倉卒

詔諭續紛四馳安撫軍民協力

芳洲文集續編

序

二

拒虜厥功偉矣逮虜薄城

下遣使問

上皇安飭諸將固守勿戰徧燒

馬坊積草以困虜密勅宣

大遼東各鎮選勁兵入衛

購有斬乜先首獻者予萬

金爵公復僞爲喜寧書與

太監興安約誘乜先入共

勦之虜得書疑喜寧會宣

遼兵亦至遂分道宵遁徐

有貞議南遷京師洵洵公

力爭黜有貞而人心帖然

芳洲文集續編

序

三

此其功載在

實錄與商文毅略同世徒

重于忠肅功而置政本勿

論謂發蹤指示者何已立

景皇帝而

皇太子名分猶存自土官黃竑

以奪襲故倡爲易儲之說
內臣持以問公公曰無易
樹子在伯者且然而况堂
堂聖朝乎

帝不懌下禮部會議一時大小
九卿委曲徇

上意得兼宮坊銜者二十餘人
寧獨公咎也至請復

東宮廖莊鍾同繫獄歲餘而同
竟斃杖下公爲其鄉人能
無岌岌六七年間每於

經筵敷陳孝友啓沃良心雖群

臣請朝

上皇勿聽而嫌隙未萌請復
元良勿聽而保護未衰隱微之
地默默調劑蓋有外臣弗
及知者獨王文以寵倖後
進專擅威福公不能制多
爲所累文子與公子試京
闈不中適翰林考取譯字
生例應入錄而偶遺之因
糾論試官劉儼違制且去
取顛錯外有浮議

廷命多官校閱相臣子誠才

特許會試後文子登第至
大僚而公子竟不仕亦足
暴其心矣况公薦薛文清
可備館閣而文以不附已
下文清獄其品格易辦公
當

宣廟時嘗力救張楷陳祚得毋
以忠言蒙罪豈其晚節遽
至與文介忤也士論不察
槩以此短公毛舉纖細率
悠謬無實然公生平學行
爲三楊所重旣代文貞相

所薦文武材徃徃弘將相
之業而終不令人知大都
有功

社稷足爲相天下者法固未可
泯也今觀公續編尊

聖母皇太后及生母皇太后詔

中并進

皇太子母周氏爲貴妃示重天
下之本若逆知有黃竑之
說而豫防之者其卓識遠
慮乃爾向使邸王負宸行
周公之事如公初議

天命有在

上皇必歸何至有奪門之釁哉

憲廟鑒公苦心已准復爵

賜祭蔭一子入監讀書而謚尚

闕如茲公玄孫以躍爲兩

浙都轉運凡三上疏乞

奏

卷

恩比照于謙王文例請謚功與

謙同應謚過與文同亦應

謚矧功踰於謙而過不與

文並當事者必有定評矣

國朝館閣名臣闕謚者爲陶安

章濂解縉及公而四禮臣

旦暮當議

上公一片精忠此其昭雪時也

因序公續編而詳論之

賜進士第南京禮部精膳司郎

中安成後學曾鳳儀謹識

奏

卷



陳少保芳洲先生文集續編序

年家晚學生嚴堯日頓首敬譔并書簡端

宇宙間恒存不泯者精誠而已
矣精誠於幹國為忠貞於克家
為孝慈此皆可形外閱世者也
若夫履屯而忠貞至艱苦遘閔
而孝慈至岌殆則其所經摧踣
磨鍊精誠更有百折不回者造
物於虧盈乘除之際未必銖銖
而稱之縷縷而度之也迨事久
比絜仍復豪釐不爽尤足堅人
忠貞孝慈之本念以待夫命數

之自定芳洲先生蒙大難而定

國策評者皆等之于王之間當時
于王殊死而先生考終僉用為
先生幸比于王旋章而先生獨
晦晦且至百年又僉謂盈虧之
際低卬泰甚遂欲致疑於當日
之精誠至於今而其孫司霖大
夫闡發而光大之而鄉祀之典
始明請謚之議始定而先生文
集乃得全行于世其間岌殆之
故又有可得而言者蓋先生才
思泉湧筆景春和上代

絲綸下賁主禔無叩不應有懷必
吐篇籍之富幾於盈載既遠譴
釋歸家殖儉落亡從經厝紙費
稍一再傳遂不能糊其口而先
生生平手澤汔於雲散烏沒矣
其幸留至大夫者則大夫祖母
龍孀居至九十餘薪膽畢世僅
寶先生遺艸一帙與

經筵黃麻一通貯為一篋護惜過
頭目大夫補弟子負冠有室乃
手相付以瞑也大夫舉賢書十
餘年尚不克問梨棗及掌教閩

甌厯司理至郡守乃得以祿入
從事蓋已梓全集若東行百咏
矣而尚餘殘斷訛脫數十百首
末從補葺讎對者比董兩浙齟
政乃得從通都交游間稽視草
於秘簡訪酌贈於故家復梓之
為續編而先生之集始全嗚呼
大夫不生先生既沒矣孀婦不
老後死者不得與於斯文矣千
鈞一髮之際不第不實墜而且
增隆重豈非先生忠貞之隱念
足自堅永以開詰孫而大夫孝

慈之苦衷又厚自矢勵以聿光
乃祖所謂玉磐而加瑩鏡磨而
愈光風雨之後月星倍朗者也
宇宙間一精誠而已矣故凡離
而終不可使復合毀而終不可
使復完晦而終不可使復章者

皆其精誠之未至也為國為家
者第自保其忠貞孝慈之質以
待天命之定而已皇問其它哉

皆

萬曆四十六年戊午春三月

西昌聚奎堂謹識



史經堂

陳芳洲先生傳有小引

孔子之作春秋也信以傳信疑以傳疑聖人
豈不欲盡傳其信第世遠事湮考信無據不
得已而傳疑而心滋惑矣然則世有真忠苦
節獨盟諸心而百信不勝一譌卒以蒙疑不
白者安忍不及時考信任其久湮無據也不
佞牧流覽經史凡屬可疑必搜討參訂質之

大方務求其信迺於陳芳洲先生蒙疑事竊
有感焉敢忘固陋據實而為之傳傳曰
先生姓陳氏名循字德遵號芳洲吉之泰和
人也王大父源可大父觀定父彥和俱以先
生貴累贈如先生官先生幼失怙恃與仲兄
德遜居倍篤友愛資特端穎十七游邑庠同
里楊文貞公士奇一見以遠大期之永樂甲
午中鄉試第一明年會試第二廷試第一授

翰林院脩撰累官光祿大夫少保戶部尚書
華蓋殿大學士兼文淵閣大學士應事

五朝凡四十餘年入則直廬出則扈駕以備顧問預修

三朝實錄

寶訓及五經四書性理大全歷代名臣奏議歷
代臣鑒五倫書通鑑史記等書奉

勅撰太學進士題名記者三撰重修南京先聖

廟學碑者一又奉撰

御製序說碑銘者九蓋先生文章妙天下更習
先朝典故故

國家大詔令大典冊多出其手奉

命典會試者一典應天鄉試者一廷試讀卷者

四受

命釋奠先師者七侍

經筵與楊士奇等日侍講讀改正講章入內閣

參預機務茂著忠勤渥膺
寵眷以至

恩褒四世稱千載明良盛遇具載少師蕭尚約
公誌中不復贅惟是正統北狩至天順復辟
七八年間運溝陽九事勢兩難畢智竭忠撥
亂反正惟求濟國與君而身名弗恤有非庸
衆所能識者文獻猶足徵也正統十四年已
巳七月虜虜先大舉犯邊

上銳意親征舉朝力沮不能止

駕發京師以先生與同官高穀尚書王直胡濙
輔

邨王居守八月

駕留虜廷十七日聞於京人情洶懼又明日有

言擁立

邨王者先生即颺言於衆曰

皇上為憫生靈安社稷而出皇天眷佑不久必